

刑部比照加減成案

刑部比照加減成案卷十六目錄

杭州許樾

同訂

安陸熊莪

刑律人命

威逼人致死

刑部比照加減成案卷十六

刑律人命

威逼人致死

四川司 嘉慶二十五年

提督咨送祿兒因伊姑夫都凌阿將伊姑  
母辱罵該犯抓傷其腮頰勸息後復至其  
家嚷罵並稱欲將都凌阿毆打以至都凌

阿氣忿自戕身死查祿兒係都凌阿妻姪。並無服制。其所抓都凌阿腮腴。雖非致命。亦非重傷。但與僅止威逼致死竝非毆傷者。情節較重。將祿兒依因事用強毆打威逼人致死其致命而非重傷滿徒例上量減一等杖九十徒二年半。

直隸司

嘉慶二十五年

直督咨外結徒犯內武王因與武滿倉戲謔辱及張成之母致張成羞忿自縊身死。自當罪坐所由惟張成究係本婦之子核與本婦聽聞穢語羞忿自盡者情稍有間。將武王比照並未與婦女覲面相謔止與其親屬互相戲謔婦女聽聞穢語羞忿自盡滿流例上量減一等滿徒。

威逼人致死

江蘇司

道光元年

蘇撫題馬紹堂因與小功姪女馬氏之母  
口角因馬氏幫護其母該犯用穢語辱罵  
致馬氏氣忿自縊依因事與婦女口角彼  
此詈罵婦女一聞穢語氣忿輕生滿流例  
上量減一等滿徒。

直隸司

道光元年

直督咨李泰華因胞兄李泰榮辱罵其媳  
該犯聽聞往勸李泰榮嗔其多管向毆該  
犯用手招架適傷李泰榮腮腴李泰榮欲  
控該犯畏懼卽邀人解勸不期李泰榮投  
縊自縊訊無逼迫情狀依卑幼因事逼迫  
期親尊長致死絞候律上量減一等滿流

浙江司

道光元年

浙撫咨袁新獻等行竊陳義榮家衣物質  
當被事主妻父朱成三查知該犯令事主  
出錢贖取并許所存原贓交還因尙有衣  
料二件當票遺失稱俟遲日交給嗣朱成  
三復對衆向索該犯起意翻賴至朱成三  
家吵鬧翼其不敢復索致事主之妻朱氏  
以該犯等指賴餘贓復累伊父受氣情極

自盡。該犯等係爲諱竊起見。並非與事主之妻覲面逞威。與實在威逼者有間。因盜威逼人致死律。量減一等滿流。

四川司 嘉慶二十四年

川督咨金世重。因向其弟金世成強借不遂。互相毆打。嗣見金世成傷重。畏懼自盡。查金世成係被毆情急格毆。尙非用強毆。

打卽金世重之自盡亦因聞知該犯傷重  
畏懼所致更非逼迫可比將金世成照期  
親卑幼逼迫尊長自盡毆有致命而非重  
傷擬絞例上量減一等滿流

四川司

嘉慶二十四年

川督咨汪潮相因被小功服叔汪家宛用  
柴向毆一時情急掌毆其腮腴以致氣忿

自盡。竝非致命重傷。亦無用強逼迫情狀。第究由被毆所致。若照律擬軍。與實在逼迫毆有致命重傷。致令自盡者。無所區別。將汪潮相。依因事用強毆打逼迫尊長致命。而非重傷。功服發邊遠充軍例。上量減一等。滿徒。

山東司 嘉慶二十四年

東撫谷劉昌志因王志榮無理尋衅致相爭毆。迨王志榮向伊揪扭。該犯情急用刀嚇戕。適傷王志榮致命額顱骨損。王志榮赴縣具控。後復萌短見自縊殞命。查劉昌志被揪情急。用刀嚇扎。並非用強毆打。且王志榮既經控告。儘可聽官究治。乃輒萌短見自盡。亦與威逼不同。惟究有致命重。

傷亦未便竟照刃傷本律科斷將劉昌志、依因事用強毆打威逼人致死果有致命重傷雖有自盡實跡擬軍例上量減一等滿徒。

四川司 道光二年

川督咨饒劉氏與盛萬幅通姦經本夫饒棕芳撞見捉拏盛萬幅逃跑次日饒棕芳

因找尋姦夫無獲。復被伊父訓斥氣忿。投  
縊殞命。較之一經見聞殺姦不遂。因而羞  
忿自盡者。情事有間。將饒劉氏於婦女與  
人通姦本夫竝未縱容。一經見聞殺姦不  
遂。因而自盡者。姦婦擬絞。例上量減一等。  
滿流。盛萬幅應於姦夫滿徒例上亦減一  
等杖九十。徒二年半。

直隸司 道光二年

直督咨程二厚臉與郭趙氏通姦被本夫  
知覺欲將趙氏休棄輒敢主令原媒王史  
氏。往。向。本。夫。郭。洛。有。索。取。休。書。以。致。郭。洛  
有。氣。忿。自。縊。身。死。實。屬。情。同。威。逼。惟。該。犯  
並。無。挾。制。窘。辱。情。事。未。便。科。以。因。姦。威。逼  
致。死。之。條。應。酌。減。問。擬。將。程。二。厚。臉。依。因。

威逼人致死

姦威逼致死斬監候律上量減滿流。

貴州司 嘉慶二十年

貴撫咨外結徒犯內安發祥因被竊銀兩。誣指保戈爲竊。令工人安波祿外友網縛。送官追究。經家奴安登元以保戈並非賊犯。代爲分辯。安發祥不依。將安登元毆逐。安登元卽在安發祥門外叫罵。安發祥氣

忿令安波祿外友捉拏一併送究。安登元  
逃跑。安波用石擲傷安登元左眼下流血。  
祿外友用石擲傷其後臀。安登元畏罪情  
急跳河自盡。查安登元叫罵其主。係屬罪  
人。安波用石擲傷其左眼下。係重傷。非致  
命。安波應照威逼人致死重傷。非致命。滿  
徒例上量減一等杖九十。徒二年半。

威逼人致死

貴州司

嘉慶二十二年

貴探容羅二苗、因李登甲圖利縱容賣休  
復經贖回之妻余氏、與伊通姦。嗣無力資  
助。李登甲阻止。該犯將其打罵。並逼令退  
還資助錢文。以致李登甲被逼自盡。將羅  
二苗、比照因姦威逼人致死律。斬監候。上  
量減一等。滿流。

奉天司 嘉慶二十二年

吉林咨貴林。偕妻烏蘇氏。偕住伊妻弟景  
運家房屋。烏蘇氏與景運之妻覺羅氏。同  
房分炕睡宿。夜間貴林欲與烏蘇氏說話。  
進房至炕推拉。不料覺羅氏與烏蘇氏同  
炕睡宿。以致誤將覺羅氏拉醒。覺羅氏羞  
忿莫釋。服粉意欲自盡。經氏姑查知勸息。

因景運追問前事。覺羅氏觸忿自縊身死。查覺羅氏之抱忿輕生。在業經勸息月餘之後。與業經和息。因人恥笑。追忿自盡者。情節相同。惟覺羅氏雖則疑其圖姦。在該犯實無圖姦之心。貴林于調姦婦女未成。業經和息之後。如有因人恥笑。本婦追忿自盡。滿徒例上量減一等。滿徒。

陝西司 嘉慶二十五年

陝撫咨王克成。因胞姪王三才子。向徐過  
娃之妹徐女娃。拉手調戲。畏罪脫逃。該犯  
外歸。詢知以調姦無據。主令王三才子之  
母葉氏。同往吵嚷要人。並跳崖撞命圖賴。  
致徐女娃。因被逼難堪。潛出投窖。徐過娃  
趕救。亦被隨跌。同時淹斃。該犯王克成。既

威逼人致死

非調姦本人自未便坐。以因姦威逼致死。斬候之條。應比照兇惡棍徒發極邊足四千里充軍。葉氏應照爲從減一等杖一百。滿徒王三才子調姦肇衅致釀二命。未便僅照尋常肇衅釀命擬杖。致滋輕縱。應比照調姦婦女未成和息後因人恥笑復追悔抱忿自盡致死二命者。將調姦之犯改。

發邊遠充軍例上量減一等滿徒。

山東司 嘉慶二十五年

東撫題魯克廣向張大貴之妻張劉氏拉  
手調戲致本夫本婦羞愧莫釋一同自縊  
身死將魯克廣照但經調戲本婦羞忿自  
盡例擬絞監候。

陝西司 道光二年

陝撫題李泳成調姦杜楊氏不從楊氏聲  
喊被氏姑杜萬氏攔毆該犯拒捕立時將  
萬氏毆斃身死律例內並無調姦婦女不  
從殺死本婦有服親屬治罪明文將李泳  
成比照強姦人妻女其親屬聞聲赴救姦  
夫逞兇拒捕立時殺死者擬斬立決

湖廣司

嘉慶二十五年

北撫咨寇成隴。調姦尙喬女未成。業經官  
爲責懲。後因寇成隴之妻郝氏與伊戚談  
及尙喬女年輕。不知自愛。致被取辱之言。  
經尙喬女聽聞。追悔抱忿自盡。將寇成隴  
比照調姦婦女未成。業經和息之後。因被  
人恥笑。本婦復追悔抱忿自盡。致死一命。  
例滿流郝氏減一等擬徒。

陝西司 嘉慶二十五年

陝撫題沈儉係已死劉氏之夫。沈大元胞叔。與劉氏服屬大功。該犯因索欠被劉氏頂撞。輒以娼婦穢語詈罵卑幼之婦。致令自盡。應比照與婦女口角詈罵婦女一聞。穢語輕生自盡。滿流例上量減一等。滿徒。

江蘇司 嘉慶二十五年

蘇撫咨僧廣伏與胡王氏通姦潛往續舊。撞遇亦與該氏有舊之胡有鳳。彼此爭姦。廣伏將胡有鳳砍傷。肇衅。胡王氏因姦敗露。羞愧自盡。將廣伏比照和姦之案。姦婦因姦敗露。羞忿自盡。姦夫滿徒例。仍照僧道犯姦加二等杖一百。流二千五百里。先於本廟門首枷號兩個月。還俗發配。胡有

鳳、杖、一、百、徒、三、年、

江蘇司 嘉慶二十五年

蘇撫題時奎、因伊弟時景全、與王太之女  
王三子、並王太之媳王李氏、口角爭毆、時  
奎護弟、卽以王三子等、均非正經女人等  
語、穢詈、以致王三子、王李氏、一同自縊、殞  
命。是該犯一言致斃二命、與嘉慶二十年

三月二十五日四川民人李潮敦之案相同。應比照手足勾引例擬絞監候。

奉天司 嘉慶二十五年

吉林咨馮文寬向隣人韓文良之妻吳氏求姦未允。旋乘氏夫外出。復攜刀前往。嚇逼求姦。吳氏不允。越日復往吳氏家內。卽拉往吳氏。吳氏掙脫。馮文寬見吳氏之子。

威逼人致死

拴住兒在炕。遂抱回家中。冀圖至家追討。以便拉住成姦。吳氏喊嚷追索。至中途。往向伊夫韓文良及伊翁韓榮告知。韓榮等持棒至馮文寬門首。喊嚷馮文寬將拴住兒抱至門首。向韓榮等摔去。韓榮等接抱不及。致拴住兒落地。磕傷殞命。該將軍將馮文寬比照罪人拒捕殺所捕人擬斬監。

候。經本部以馮文寬係強姦未成罪人輒  
敢因姦不遂將本婦甫過滿月幼子摔斃  
實與強姦將本婦親屬逞兇殺死無異應  
改依強姦人妻女其夫與父母親屬聞聲  
赴救姦夫逞兇拒捕立時殺死者擬斬立  
決。

安徽司 嘉慶二十五年

安撫咨張明、因陳禮辱罵、用樹枝毆傷其  
右腿。並非致命。亦非重傷。第欺陳禮年老。  
于毆打後。復拉往抹糞。致令氣忿莫釋。自  
戕身死。核其毆辱情形。與威逼無異。張明  
應比照因事用強毆打威逼人致死重傷。  
而非致命例。滿徒。

陝西司

嘉慶二十五年

陝撫咨楊萃華本係已死楊唐氏之夫楊懷美胞姪因楊懷美出繼與伊胞伯楊多謨爲嗣降服一等該犯與楊唐氏應照律圖所載隨夫所降之等遞減降服小功該犯因拆修房屋不期塵土撒落唐氏飯碗內當唐氏訴詈之時並不婉言勸慰輒敢出言頂撞以致唐氏氣忿追毆自行失跌

威逼人致死

磕傷額顱後因風身死。應比照卑幼因事逼迫小功尊長致死。于逼迫期親尊長致死絞罪上遞減二等律滿徒。

河南司 嘉慶二十五年

河撫咨趙二聽從逸犯張拐弼行竊蘇建通家。趙二在外接贓。張拐弼竊得衣物遞交趙二接收。張拐弼慌忙逸出。致所遺火

煤將住屋延燒焚斃事主三命。該撫聲明將來緝獲張拐弼。應比照因盜威逼人致死律。問擬斬候。趙二應於斬罪上減一等。擬以滿流。監候待質等因。本部查在逃之首犯張拐弼。燒斃事主三命。核與二十二年奉天省李老屋等成案相同。將來緝獲。自應比照因盜威逼致死一家三命例。擬

威遠人劉河  
斬立決。趙二應如所咨擬杖一百。流三千  
里。

江蘇司 道光元年

蘇撫咨陳玉盛。因與丁潘氏通姦。見陳王  
環與該氏說笑猜疑。亦有姦情。妬忌爭毆。  
說破姦情。致丁潘氏羞忿自縊。較之尋常  
和姦敗露。釀命者爲重。比照因姦威逼人

致死斬候罪上量減一等滿流。

安徽司 道光元年

安撫題談全紋糾竊潘三元家潘三元聞聲趨捕該犯等攜賊逃走因夥犯落後被獲該犯獲夥拒捕用鐵撬致傷潘三元脇肋逃走潘三元因傷痛難忍自縊身死例無賊犯拒傷致事主因傷痛自盡明文比。

威逼人致死  
照因盜威逼律斬候

直隸司 道光元年

直督咨曾興兒因向梁興旺續姦不允用  
言嚇唬致梁興旺服毒自盡查梁興旺係  
因索錢不給拒絕並非悔過自新比照因  
姦威逼人致死斬候律上量減一等滿流  
直隸司 道光元年

直督咨賈三有圖姦賈王氏未成求息後。  
經氏夫賈連城疑姦村辱致氏氣忿抱子  
投井自盡例無正條比依圖姦婦女未成  
業經和息之後如有因人恥笑本婦復追  
悔自盡致死二命例改發邊遠充軍。

直隸司 道光元年

直督題劉三因知王臯趕集未回起意冒

姦其妻郭氏未成致氏羞忿自盡比照強姦未成本婦羞忿自盡例絞候。

山東司 道光元年

東撫題林大因強行鷄姦王三不從致王三羞忿自盡例無明文比照強姦未成本婦羞忿自盡例絞候。

江西司 道光元年

江撫題林逸遠與嚴劉氏通姦敗露致氏  
並本夫先後羞忿自盡比照因事威逼致  
死一家二命例發近邊充軍部議和姦敗  
露致氏羞忿自盡與本夫殺姦不遂羞忿  
自盡均罪應擬徒二罪相等應從一科斷  
改依姦婦因姦敗露羞忿自盡例姦夫杖  
一百徒三年

威逼人致死

山東司 道光元年

東撫題張逢源因張耀外出向其妻曾氏  
調戲致氏羞忿自盡張耀回歸亦因痛妻  
情切服毒身死例無圖姦未成致本婦本  
夫自盡作何治罪明文應從一科斷依但  
經調戲本婦羞忿自盡例絞監候

陝西司 嘉慶二十四年

陝督題趙德剛。因圖姦岳。賴狗子不從聲  
喊。該犯慮人聽聞。順用鎌刀嚇砍。致傷岳  
賴狗子。越八日身死。將趙德剛比照強姦  
未成。將本婦毆傷。越數日後。因本傷身死。  
例斬監候。

廣西司 嘉慶二十四年

鑲藍旗呈報聶楊氏之女大妞。在趙那思

圖家自行抹脖子死一案。查趙那思圖與大妞通姦。先係其母聶楊氏知情縱容。迨聶楊氏因大妞業已受聘。恐醜聲外揚。卽將趙那思圖拒絕。趙那思圖登門辱罵。聶楊氏無奈。將大妞送至伊家。囑令爲其留臉。任伊姦宿三日。以後斷絕往來。趙那思圖應允。嗣大妞因戀姦情熱。聲言三天已

滿以後不能再會。並因嫁期已近。腹懷私孕。必致敗露。不如尋死之言。向趙那思圖商謀。趙那思圖用言安慰。詎大妞乘間用刀自抹斃命。趙那思圖畏罪。亦用刀自抹。經救得生。將趙那思圖比照姦夫與姦婦因姦情敗露。商謀同死例滿流。

陝西司

嘉慶二十四年

陝督咨朱世元因馬重幅竊伊柴薪將馬重幅查獲捆毆以致馬重幅被辱難堪。掙脫投崖自盡。查律例並無事主控毆竊賊自盡作何治罪明文。將朱世元比照因事用強毆打重傷而非致命例滿徒上量減一等杖九十徒二年半。

河南司 嘉慶二十四年

南撫奏差役安振興、藉差滋事。致令杜端姐自縊身死。查安振興因趙成法心疑杜方傳賴婚涉訟。經縣審明。以趙成法貧苦。斷令杜方傳幫給錢文。該役奉差至杜方傳家催繳。與杜方傳之妻尹氏爭角。以無錢卽傳尹氏之女端姐到案。使其丟臉之言向罵。以致端姐畏累自盡。將安振興比

照因事與婦女口角彼此詈罵婦女一聞穢語氣忿輕生例滿流

直隸司 嘉慶二十四年

直督咨王得幅因與張玉堂之妻張胡氏通姦致張玉堂被張胡氏毆傷氣忿自盡查張胡氏與王得幅通姦被張玉堂看破不依欲行休棄該氏並不悔過拒絕輒敢

肆行悍潑將張玉堂摔毆多傷致令氣忿  
自盡除張胡氏依妻妾悍潑逼迫其夫致  
死例擬絞立決外將王得幅比照婦女與  
人通姦其本夫並未縱容一經見聞殺姦  
不遂因而羞忿自盡例滿流。

直隸司 嘉慶二十四年

直督題馬二礫因見張張氏獨處卽起意

圖姦。上前向摸胸膛。張張氏懷罵。該犯恐人聽聞。用手又傷張張氏咽喉。走出院外。張張氏尾追。稱欲出街喊嚷。該犯情急。順拾木柴嚇打。致傷張張氏顙門。該犯回家。令妻前往。向張張氏賠禮寢息。嗣張張氏因傷殞命。將馬二礫比照強姦未成。將本婦毆傷。越數日後身死者。照因姦威逼人。

致死例擬斬監候

福建司 嘉慶二十三年

福撫咨會河糾同會石毆傷無服族人曾  
舉廣致會舉廣氣忿自盡查會舉廣被毆  
各傷惟被會河用刀柄毆傷左脇色至青  
紫實屬致命重傷將會河依因事用強毆  
打威逼人致死果有致命重傷例發近邊

充軍。曾石幫毆有傷。應照爲從律。於軍罪上減一等。滿徒。

雲南司 道光二年

雲撫咨李發毆傷劉袁氏致令自盡。查李發因向曾經犯姦之袁氏調戲不從爭毆。該犯將袁氏毆傷致氏氣忿自縊身死。律無調姦犯姦之婦未成將本婦毆傷致令

自盡明文。應仍照因事毆打威逼本例問擬。將李發依因事用強毆打威逼致死果有致命重傷例發近邊充軍。

直隸司 嘉慶二十四年

直督題張百幅向張劉氏調姦未成業經服禮寢息。張劉氏氣亦稍釋。嗣因伊翁斥責伊姑外出以致媳被欺辱。張劉氏追悔

抱忿投繯殞命將張百幅比照調姦婦女  
未成業經和息之後如有因人耻笑本婦  
復追悔抱忿自盡致死一命例滿流。

江蘇司 嘉慶二十四年

蘇撫咨錢三因疑蔣易如與張潘氏有姦  
向蔣易如取笑盤問以致張潘氏聞知自  
刎身死將錢三比照並無與婦女覲面相

謔止與其夫親屬互相戲謔婦女聽聞穢  
語羞忿自盡例滿流。

江蘇司 嘉慶二十四年

蘇撫題宋薛氏因與李單氏口角輒以穢  
語辱罵以致李單氏氣忿自盡將宋薛氏  
比照因事與婦女口角彼此詈罵婦女一  
聞穢語氣忿輕生例滿流收贖。

河南司 道光二年

河撫咨鄧立杰、穢言恥辱。致駱文宗氣忿。扎傷伊子駱瑞林。並自戕各身死。查鄧立杰、因與駱文宗之子駱瑞林同演弓馬。該犯因駱瑞林弓馬平常。用穢言當衆譏誚。致駱文宗氣忿。用弓將其子駱瑞林扎傷。並自戕先後身死。例無明文。將鄧立杰、比。

照威逼人致死一家二命例發近邊充軍  
直隸司 道光二年

直督咨黃隨羣調姦張九經之女孫張氏  
未成寢息後復因別故致張九經自盡一  
案查黃隨羣始則調姦張九經之女孫張  
氏未成寢息後因張九經之子張明珠爲  
伊妹報復摔跌伊媳黃姜氏當街羞辱該

犯不自引咎糾邀黃春成等赴張九經家尋鬧打毀器具以致張九經氣忿自盡雖張九經之死衅由別故第究由該犯調姦其女又被砸壞家具所致律例內並無恰合正條應比附問擬將黃隨羣比依調姦未成和息後如有人恥笑其夫與父母親屬追悔自盡例滿流

河南司 道光元年

河撫咨熊振唐手拉董項姐胎膊致令自  
盡一案查熊振唐因見董項姐在井汲水  
該犯口渴卽就罐吸飲董項姐以水被飲  
汚向罵該犯以水可另汲不應罵人用手  
拉其胎膊欲與其母理論董項姐因熊振  
唐不分男女拉伊胎膊掙脫走回氣忿投

成逼人致死

水殞命。該犯不避嫌疑。混拉婦女。胎膊與  
穢語。詈罵無異。將熊振唐。比照因事與婦  
女口角。彼此詈罵。婦女一聞穢語。氣忿輕  
生。例滿流。

山西司 道光二年

晉撫奏武九微。因姦殺死劉澱元夫婦二  
命一案。查案內之劉珍子。係劉澱元之妹。

因與武九徵通姦。被伊嫂龐氏撞見。向劉  
澥元告述。致姦夫武九徵羞忿。將劉澥元、  
劉龐氏一併殺死。該氏因姦致兄嫂被殺。  
未便僅科姦罪。將劉珍子、照因姦釀命例。  
滿徒。

四川司 道光二年

川督題王簡秀。因調姦弟妻王劉氏不從。

用刀將其戳斃。律例並無治罪明文。將王簡秀比照強姦未成。將本婦立時殺死。例擬斬立決。

河南司 嘉慶二十三年

河撫咨朱元信。因王景姐偷伊地內豆禾。將其衣褲撕破。致王景姐氣忿。投繯隕命。王景姐固有竊盜之非。究係年輕處女。該

犯輒撕衣蓋辱。實屬非理逞強。將朱元信比照囚事與婦女口角彼此詈罵婦女一聞穢語氣忿輕生例滿流。

河南司 嘉慶二十三年

河撫題盧二妮行竊喬典家並未得財。迨事隔多日彼此口角致被毆打。嗣因傷處潰爛疼痛至喬典門首嚷罵並以圖姦喬

典媳婦女兒未成不該如此重打信口穢  
詈致喬典之媳胡氏女文姐氣忿投繯殞  
命將盧二妮援引二十二年三月四川李  
潮敦案內

諭旨照手足勾引例擬絞監候

山西司 嘉慶二十五年

晉撫咨喬鄧氏與喬金保則通姦被房主

喬李氏窺破。令搬出另住。卽囑喬金保則  
覓房。並令資助。嗣因喬金保則未給錢物。  
又未爲覓房。不允續姦。並非悔過拒絕。其  
投井自盡。係由喬金保則與之爭吵。欲張  
揚姦情。被喬李氏聽聞所致。惟喬金保則  
因續姦不遂。吵嚷。並稱張揚姦情。致喬鄧  
氏愧忿自盡。若僅依因姦釀命例。擬徒情。

威逼人致死

浮于法應照和姦之案姦婦因姦情敗露羞愧自盡者姦夫滿徒例上量加一等杖一百流二千里

山東司 嘉慶二十二年

東撫咨王法廷王孝緒先後與路氏有姦王法廷瞥見王孝緒走至路氏屋內卽心懷妬忌踢門進內王孝緒逃逸王法廷見

路氏赤身在炕。復欲行姦。路氏聲言踢門。吵鬧。定被隣佑知覺。令伊無顏。見人向王法廷哭泣。王法廷走回。路氏旋即投井。自盡。查路氏之死。固由於王孝緒之行姦。敗露羞愧。莫釋。實由於王法廷踢門。肆鬧。忿迫難堪。王法廷並無挾制。窘辱情事。固不得。科以因姦威逼之條。而因姦肆鬧。致姦。

威逼人致死

婦愧迫自盡亦未便照尋常姦婦羞愧自盡例滿徒王孝緒若非與路氏續姦王法廷無所用其妬姦罪聞今該氏既因姦情敗露投井身死正與因姦敗露自盡之條吻合乃該撫以例無姦夫妬姦致姦婦羞愧自盡治罪明文將王法廷擬徒王孝緒仍科姦罪均覺輕縱王法廷應改依和姦

之案姦婦因姦情敗露羞愧自盡姦夫滿  
徒上酌加一等杖一百流二千里王孝緒  
依和姦之案姦婦自盡例滿徒。

雲南司 嘉慶二十四年

雲撫咨李榮先與蔣氏通姦嗣因蔣氏復  
與徐進賢姦好被李榮撞見向蔣氏挾制  
恐嚇致令蔣氏愁急自縊身死將李榮於

姦婦因姦敗露羞愧自盡姦夫滿徒例上  
量加一等杖一百流二千里徐進賢依姦  
婦羞愧自盡例滿徒。

直隸司 嘉慶二十四年

直督奏任秉衡因子媳任張氏患病囑令  
其母張孟氏領回調治嗣病痊愈張孟氏  
囑令接回該犯嫌任張氏性情執拗堅執

不肯領回。始則勒索無事字據。繼又逼寫許令伊子重定另娶字樣。層層威逼。以致張孟氏母女。冤苦無伸。忿激難堪。同時自刎身死。查任張氏與任秉衡有翁媳名分。未便竟照一家二命科斷。惟該犯身充總商。恃財倚勢。任意威逼。挾制窘辱。致張孟氏母女同時自盡。將任秉衡依豪強兇惡。

之徒恃財倚勢。因事威逼挾制。窘辱貧民。  
冤苦無中。情急自盡。致死一家二命。絞監。  
候例上量減擬流。尙屬情浮於法。請。  
肯從重加發。烏魯木齊充當苦差。

安徽司 嘉慶二十四年

安撫咨張文召與顧倪氏通姦。本夫顧泳。  
林姦所撞獲。張文召當時逃逸。顧泳林追。

尋無獲。羞忿自盡。顧倪氏亦因姦情敗露。  
羞愧自縊殞命。將張文召、依姦婦與人通。  
姦本夫並未縱容。一經見聞殺姦不遂。因。  
而羞愧自盡者。姦夫滿徒例上酌加一等。  
杖一百。流二千里。

刑部比照加減成案卷十七目錄

杭州許榷

同訂

安陸熊莪

刑律人命

威逼人致死

刑部比照加減成案卷十七

刑律人命

威逼人致死

奉天司 嘉慶二十三年

奉尹題李老屋商同王亮行竊事主劉成章家王亮竄竊伸頭試探因牆內復有柴薪未能鑽入向李老屋告知勸令走回李

威逼人致死

老屋不信。卽取身帶火鏈開火。用紙煤點燃。伸手入內照視。不期火煤燒及柴薪。以致延燒房屋。燒斃事主一家四命。將李老屋比照因盜威逼人致死。擬斬監候。本部以李老屋因竊燒斃事主一家四命。若仍擬斬候。未免與致死一命者無別。將李老屋改照因姦威逼人致死。一家三命者擬。

斬立決。

雲南司

嘉慶二十一年

雲督奏余有倫因劉小五與妹卯兒通姦起意將劉小五殺死致砍傷伊母賀氏身死並將伊妹砍斃一案查案內之劉小五與卯兒通姦致釀逆倫重案將劉小五從重發新疆爲奴。

威逼人致死

直隸司

嘉慶二十三年

直督咨謝琬與任宋氏通姦因其拒絕復與王老姦好該犯喝破姦情挾制羞辱以致宋任氏愧忿自盡將謝琬依和姦之案姦婦因姦情敗露羞忿自盡姦夫滿徒例上量加一等杖一百流二千里王老擬徒直隸司

嘉慶二十二年

北城移送唱戲之朱在明、因街隣趙崑在  
院、斥伊不行回拜、出言糟蹋、朱在明卽以  
趙崑家來歷不明、男女混雜之言回言、彼  
此爭吵、涉訟而散、嗣該犯慮恐趙崑仍向  
不依、囑令江文榜向其恐嚇、欲其遷移、以  
致趙崑自戕殞命、朱在明合依威逼人致  
死、律杖一百、惟該犯以優伶下賤、恐嚇平

人致死情殊可惡。應酌加枷號一個月。

江蘇司 嘉慶二十三年

蘇撫咨朱順成、因宋明遠行船誤碰魚簪。索賠不遂。糾同潘位高等追趕拉船逞兇。致雇乘船隻之鄭三觀並水手之陳玉令、商同走避。失跌溺斃二命。情同威逼。鄭三觀、陳玉令同在一船。應比照一家問擬。將

朱順成、應比、照、因、事、威、逼、人、致、死、一、家、二、  
命、例、發、近、邊、充、軍、潘、位、高、等、聽、糾、追、趕、致、  
釀、事、端、照、不、應、重、律、杖、八、十、

山東司 嘉慶二十年

東撫題楊拾來、因與孫張氏之夫雇工夏  
耀稽之弟夏石包、戲謔、言及孫張氏貌美。  
夏耀稽、好與睡宿。夏石包、回告伊兄。被孫

威逼人致死

張氏聽聞致孫張氏趕向哭鬧後氣忿自  
縊身死。應比照並未與婦女觀面相戲止  
與其夫及親屬互相戲謔婦女聽聞羞忿  
自盡例滿流孫張氏請  
旌夏石包毋庸議。

山東司 嘉慶二十年

東撫咨劉霜誘姦劉辛氏未成當時劉辛

氏本無輕生之心。後因伊夫劉生唐將劉霜之父劉遠毆傷控告。劉霜又未就獲。既不能洩已之忿。反致貽累其夫。忿激輕生。應比照調姦未成。業經和息之後。本婦復追悔。抱忿自盡。例滿流。

山東司 嘉慶十九年

北城移送許升自縊身死。訊係許升過繼。

與俞廣財之姊許俞氏爲嗣。俞廣財囑許俞氏給許升娶親。令其搬出另住。俞氏不允。俞廣財以俞氏必有與許升不清楚之言穢罵。致許升抱忿自盡。例無辱罵小功卑幼。以致氣忿輕生明文。此照因事口角致婦女聽聞穢語輕生例滿流。

浙江司

嘉慶十九年

浙撫題王大因行竊遺火延燒事主床帳致斃幼孩比依因盜而致死律斬候。

廣西司 嘉慶十九年

廣西撫奏刁呂氏係官媒因看守逃走婦女縱令與人通姦致姦夫姦婦情密商謀同死姦夫經救得生復聽從姦夫囑托捏報姦婦畏罪自行毒斃比照故縱律與囚

同罪與姦夫均杖一百流三千里。

山東司 嘉慶十九年

東撫題高可因父將扁担賣錢該犯聲言無計營生致伊父氣忿趕毆失跌身死例無專條比照審無觸忤但行爲違犯致父抱忿輕生例絞候。

湖廣司 嘉慶十九年

北撫咨劉先容、因與陳宗華之妻、通姦懷  
孕。經陳宗華盤出姦情。將姦婦致死。並恐  
二子長大。被人恥笑。一併砍殺。釀成一家  
三命。比照威逼致死三命例。發邊遠充軍。  
山西司 嘉慶二十二年

晉撫咨朱有、向王普索討賭錢。將王普推  
跌倒地。因其嚷罵。輒用狗糞塞入口內。以

威逼人致死

致王普抱忿自盡。將朱有比照因事用強、毆打、威逼人致死致命而非重傷重傷而非致命例擬徒。

廣西司 嘉慶二十二年

廣西撫咨梁祿欲將妻父黃登所給田畝賣銀清欠。屢向求討原契不給。復向逼索。以致黃登被逼不甘。服毒自盡。將梁祿比。

照逼迫期親尊長致死遞減三等律杖九十徒二年半。

陝西司 嘉慶二十二年

陝撫咨王興圖姦王甘氏未成業經該犯之伯將伊責處復向氏翁賠禮認罪轉向甘氏說明應允事已寢息嗣因其夫王二虎兒回家查知向甘氏抱怨和息之非以

致甘氏追悔自盡。將王興比照調姦婦女、  
未成業、經利息之後、因人恥笑、本婦追悔、  
自盡。例滿流。

山西司 嘉慶十八年

晉撫奏彭勝明因毆打伊妻、經伊父彭彥  
蔡喝阻。次日復因細故將妻毆打。伊父氣  
忿持杖追毆。該犯並不俯首受責。輒先逃

避以致伊父失跌受傷殞命。將彭勝明、比照子孫違犯教令致父母抱忿輕生例擬絞監候。

山東司 嘉慶二十二年

東撫咨薛維東調姦李氏未成。業經和息之後。李氏因被本夫斥罵。悔忿自盡。例內並無調姦婦女未成。和息後被本夫斥罵。

威逼人致死

追悔自盡。作何治罪。明文將薛維東比照調姦婦女未成和息後因人恥笑本婦追悔抱忿自盡例滿流。

河南司 嘉慶十八年

河撫咨劉楞慟糾同劉鎖輪姦沈熊氏未成致氏自盡將劉楞慟比照強姦未成本婦羞忿自盡例擬絞監候劉鎖比照同謀

未經同姦例發遣。

陝西司 嘉慶十八年

陝撫咨楊士啟與小李氏通姦被本夫當場捉獲致氏奔逃自跌身死將楊士啟比照姦婦因姦敗露羞忿自盡例擬杖一百徒三年。

四川司 嘉慶二十一年

川督題楊搥頭等搶奪劉思連錢文致劉  
思連鳧水溺死查楊搥頭等雖無迫趕落  
河情事惟劉思連鳧水溺斃究由該犯嚇  
唬所致例內並無在野攔搶致事主自行  
鳧水淹斃治罪明文將楊搥頭比照因盜  
威逼人致死擬斬監候

陝西司 嘉慶二十一年

塔爾巴哈台奏兵丁翁阿太、侵用木官侍衛福清太銀兩。並不清還。迨福清太至伊寓索討。又延不付給。致福清太窮乏窘迫。自戕殞命。翁阿太並無逼迫情狀。應將翁阿太比照軍民人等。因事逼迫本管官致死。依逼迫期親尊長致死絞監候律。上量減一等。滿流。

陝西司

嘉慶二十一年

陝督題文進有。因買孀婦范氏。欲給伊兒  
文進德爲妻。該犯行至中途。向范氏圖姦。  
不從。因被斥罵。將其兩腳割落。越四日。殞  
命。范氏與文進德。尙未成婚。應同凡論。惟  
例內並無圖姦不從。毆傷本婦。越日身死。  
治罪明文。將文進有。比照強姦未成。將本

婦毆傷越數日後因傷身死例擬斬監候。

江西司 嘉慶十八年

江西撫題熊文杰主令被伊雞姦之熊荷珠向伊妻小張氏調姦不從毆打逼勒致氏自盡將熊文杰比照婦女令媳賣姦不從折磨毆逼致媳情急自盡例擬絞監候熊荷珠係聽從圖姦照爲從減等擬流。

安徽司

嘉慶十八年

安撫題陸簡圖姦無服族姪女現姪未成。  
致現姪羞忿自盡。將陸簡比照強姦未成。  
本婦羞忿自盡例擬絞監候。

直隸司

嘉慶十八年

直督咨趙六兒刁姦犯姦婦女趙王氏未。  
成。致氏因姦情敗露羞愧自盡。將趙六兒。

比照強姦犯姦婦女未成致本婦羞忿自盡滿流例上量減一等滿徒。

奉天司 嘉慶二十一年

奉尹題張均濫因向宋克勤求姦被其囑罵撲毆該犯用刀將其戳死衅起調姦戳由被毆且死越二旬自應比照強姦未成將本婦毆傷越數日身死例斬監候。

浙江司

嘉慶二十一年

浙撫題蔣金氏毒死本夫蔣正友案內之  
許昌智因向蔣金氏續姦不從經本夫撞  
遇查問許昌智心如蔣金氏與蔣春男姦  
好卽以前往捉姦之言向本夫蔣正友抵  
飾致蔣金氏受責懷恨毒死本夫身罹極  
刑將許昌智比照因姦釀命例滿徒

奉天司

嘉慶二十一年

奉天題王王氏與高吉誠通姦。本夫王大知覺。遂攜王氏遷居他處。王氏中途潛逃。尋覓無踪。致伊夫自縊身死。將該氏比照婦女與人通姦。本夫並未縱容殺姦不遂。羞忿自盡。例絞監候。

奉天司

嘉慶二十一年

卷十七

刑律人命

奉尹題斬三強姦張黃氏未成立時將本婦殺死案內之張殷氏與斬三姦好並抑媳黃氏亦與斬三通姦不允毆打逼勒致斬三強姦黃氏未成將黃氏殺死將該犯婦比照抑媳同陷邪淫致媳自盡例實發爲奴。

江西司

嘉慶二十二年

江西撫題彭氏。因夫曾德仁。央隣婦龔氏。摘梨完畢。送給梨子二個。嗣彭氏取梨自食。曾德仁不許。彭氏不依。卽以自己妻子。吃不得。他人反吃得。莫非與龔氏有姦等語爭嚷。龔氏聽聞。氣忿自縊殞命。將彭氏比依。因他事與婦女口角。彼此詈罵婦女。一聞穢語。氣忿輕生。例滿流收贖。

安徽司

嘉慶二十年

安撫題董三糾夥行竊事主馬廷爽家屋後空洞取火煤伸入洞內照看適事主驚醒咳嗽該犯害怕逃逸掉落火煤燒着秫稽致將馬廷爽燒死董三應比照因盜威逼人致死斬監候

江蘇司

嘉慶二十二年

蘇撫題老徐糾夥行竊事主周富阮家被  
迫拒捕毆傷事主逃逸因火煤燒手當卽  
掠棄事主門首適堆有稻草被風吹着以  
致延燒房屋將事主十歲養媳范氏燒死  
將老徐比照因盜威逼人致死律斬候

江蘇司 嘉慶二十二年

蘇撫題朱茂堂誤認杭翁氏以爲與伊通

姦之曹王氏上前搜抱。被杭翁氏聲喊。旋經隣人勸令復禮寢息。嗣杭翁氏之子杭有祿聞知。往向朱茂堂不依。被朱茂堂之子將杭有祿毆傷。杭翁氏因被人戲謔。又其子被人毆傷。追悔自盡。例無誤認調姦。致本婦追忿自盡。作何治罪。明文將朱茂堂比照調姦未成業經和息本婦復追悔

抱忿自盡例滿流。

奉天司 嘉慶十九年

吉林咨修士得因伊父修連升與其懶于  
工作持刀趕殺該犯閃至修連升身後抱  
住致修連升往後向扎自行誤傷身死比  
照子孫不肖致父自盡之案審有觸忤以  
致忿激輕生例斬決。

威逼人致死

奉天司 嘉慶十九年

盛刑咨劉添貴。因酒後至李發家。向李發之妻調戲。被氏斥罵。該犯用刀恐嚇。次日復往。聲言給錢姦宿。逼令李發將氏喚至。經隣人勸走。李發抱忿自縊。原依棍徒擾害例。擬軍部。駁依。但經調戲致其夫羞忿自盡。例絞候。

奉天司

嘉慶二十年

盛刑咨旗人張萬有、因伊母張氏外出。將  
房間借與龔成發、放賭。該犯同賭輸欠無  
償躲避。龔成發連次向伊母逼索。房間抵  
欠爭吵。以致張氏氣忿自盡。尙無觸忤違  
犯別情。查張氏自盡。實由龔成發威逼所  
致。惟龔成發逼索房間。實由該犯賭欠起

威逼人致死

鮮將張萬有比照子孫不孝致父母抱忿輕生自盡擬絞例上量減一等滿流。

直隸司 嘉慶二十二年

直督咨孟益謙因見外孫李盛德之妻李劉氏光赤上身睡卧該犯頓萌淫念卽向拉褲圖姦李劉氏喊嚷經該犯之女李孟氏聽聞囑令隱忍嗣李孟氏攜子李盛德

歸至母家。經該犯之妻孟劉氏查知。孟劉氏以李孟氏等自不謹飭所致之言向斥。李盛德聽聞。氣忿自縊殞命。查例內並無圖姦外孫之妻未成寢息後外孫因聞外祖母斥辱追忿自盡。作何治罪明文。孟益謙應比照調姦婦女未成和息後因人恥笑其夫追悔抱忿自盡者。滿流例上量加。

一等發附近充軍

直隸司 嘉慶二十二年

直督咨辛花子與魏東貴之母韓氏通姦  
經魏東貴窺破羞忿莫遏服毒殞命該省  
將辛花子比照威逼人致死律上量減一  
等滿流經本部以既無逼迫情狀自應比  
照姦婦父母及本夫羞忿自盡之例定擬

辛花子應改照本夫殺姦不遂因而羞忿  
自盡例滿徒。

直隸司 嘉慶十八年

直督咨丁五被王耿氏撕破布褂將王耿  
氏之褲撕破並提起兩腳腕踢傷王耿氏  
左臂等處致王耿氏氣忿自縊將丁五比  
照與婦女口角彼此詈罵婦女一聞穢語

氣忿輕生。例擬以滿流。

直隸司

嘉慶十九年

直督咨丁智隴。因與陳王氏夫嫂陳張氏  
通姦。經陳王氏之夫陳鳳窺破。斥阻不令  
往來。嗣丁智隴向往陳張氏索欠。陳王氏  
瞥見拉捉。丁智隴情急圖脫。拳毆陳王氏  
偏右。并掌批腮。陳王氏被毆不甘。氣忿

投井身死。訊無挾制窘辱情狀。惟衅起捉姦。比照威逼人致死斬監候律。上量減一等。滿流。

四川司

嘉慶二十年

川督咨敘永廳審詳羅允應。至楊鄭氏房內姦宿。被鄭氏之夫妹楊么妹撞破。楊鄭氏誘令楊么妹一同姦宿。楊么妹止以恐

人知覺爲詞。雖未成姦。而同坐共語。其意業已允從。迨被楊鄒氏撞獲姦情。以致楊鄭氏、楊么妹各懷羞愧。同時縊死。均由羅允應與該氏通姦所致。惟例無因姦致姦。婦自盡二命治罪明文。應從一科斷。依和姦之案。姦婦因姦情敗露羞愧自盡。例擬徒。

山東司 嘉慶十九年

東撫奏王集子因窺破李蘇氏與陳誨通姦挾制刁姦致蘇氏羞愧自盡原擬王集子依強姦未成致本婦羞忿自盡例量減擬流。陳誨依因姦敗露致本婦羞忿自盡例滿徒。部議王集子挾制圖姦已有威逼情形。惟蘇氏已屬犯姦之婦。改照因姦威

通致死。斬罪。上量減滿流。蘇氏之死。係王  
集子威逼致死。與陳誨無尤。改只科姦罪。  
河南司 嘉慶二十二年

提督咨送時俊。因與小功服姪時喜爭種  
地畝。以致時喜氣忿自盡。情同威逼。律例  
並無尊長威逼卑幼致死。作何治罪明文。  
應按服制。照平人遞減問擬。時俊應于威

逼人致死滿杖例上遞減二等杖八十並  
不同居仍追埋銀十兩

山東司 嘉慶十八年

東撫咨徐孝堂因田氏翁夫外出欺其女  
流。關門築牆侵越宅基。經田氏出阻。輒與  
吵嚷以致田氏憂忿交迫。抱子投井身死。  
聲明田氏幼子。襁褓無知。被母懷抱投井。

淹斃。究與被逼甘與同死者有間。將徐孝堂照威逼一家二命軍罪上。量減一等。擬杖一百。徒三年。本部仍改依威逼二命本例發近邊充軍。

陝西司 嘉慶二十一年

陝督咨范紀勲將銀寄存廖得勝舖內。被伊弟廖得祿挪用。范紀勲將廖得勝具控。

催追。廖得祿恐兄受累自行投首。懇限日  
交還。因措備不出。卽持刀至范紀勲寓所。  
適范紀勲外出。廖得祿卽自戕身死。該督  
將范紀勲依威逼人致死律擬杖。經本部  
以例應控追之案。並非指控之人畏罪自  
盡。不應將原控人律以威逼。且廖得祿自  
戕之時。范紀勲並非在寓。亦無威可畏。所

威逼人致死

有該督將范紀勲擬杖之處。應毋庸議。

山西司

嘉慶二十一年

晉撫咨梁計光與梁任氏通姦敗露。同食毒餅。梁任氏旋即身死。梁計光因毒成篤。查梁計光與任氏通姦敗露。決欲尋死。潛造毒餅。該犯因姦情熱。亦欲同死。遂將毒餅各食一枚。任氏因毒殞命。梁計光因毒

歸入四肢致成篤疾該撫以任氏係自起  
短見該犯並未起意將該犯照姦婦因姦  
情敗露自盡例擬徒實屬錯誤梁計光應  
改依姦夫姦婦商謀同死姦婦當卽殞命  
姦夫業經自戕因人救阻醫治傷痊例滿  
流。

江蘇司

嘉慶十九年

卷十七

刑律人命

威逼人致死

都察院咨送千總佟榮麟、因馬儒錦被竊馬嘴赴官廳討要贓物。將馬儒錦鎖押。迨馬儒錦控告送部。佟榮麟捏供馬儒錦將伊辱罵揪扭。因把總王廷桂不肯扶同捏供。用言威嚇。逼令改供。致王廷桂忿極自縊身死。將佟榮麟照威逼人致死律杖一百。

江蘇司

嘉慶十九年

蘇撫題史景成、因羅幅沅、托管船隻、被患  
瘋之陳繼淋、搖去。經史景成、追獲、疑其偷  
竊、將陳繼淋、毆傷致死。原擬依擅殺罪人  
律擬絞。部駁、擅殺之條、必死實係罪人、方  
可援照辦理。其衅起疑賊、以致捆毆平人  
致斃、應按照威力制縛人科斷。旋據該撫

遵駁改正

直隸司

嘉慶十八年

直督咨張郭氏因程玉環與伊女張玉兒  
通姦商同與伊姦好之袁喜向程玉環訛  
詐銀兩未給袁喜毆傷程玉環額顙等處  
致程玉環情急自縊將袁喜照威逼人致  
命而非重傷例擬徒

浙江司

嘉慶二十年

浙撫題平錦三因向總麻姪媳平許氏索欠穢語詈罵致氏自盡例無減等明文仍依凡論擬以滿流。

江蘇司

嘉慶二十一年

蘇撫咨趙虎與周大姐彼此調戲正欲行姦被周大姐之繼母撞見致周大姐羞愧

自盡該犯與周大姐彼此戲謔雖未成姦實與和姦無異將趙虎照和姦之案姦婦因姦情敗露自盡滿徒。

浙江司 嘉慶二十年

浙撫咨沈正榮向鄭曹氏索欠用刀割傷該氏右額角致氏自盡因傷有抵制傷不及分照致命而非重傷擬以滿徒。

直隸司

嘉慶十八年

直督咨外結咨銷案內梁中、毆傷母舅、自  
文林、因被毆忿激、痰壅氣閉身死、將梁中、  
照逼迫功服尊長自盡傷重而非致命、擬  
軍例量減一等、擬以滿徒、本部以梁中係  
白文林外姻小功卑幼、所毆並非致命、又  
非重傷、改照逼迫小功尊長、應徒三年、罪

威逼人致死

上量減一等杖九十徒二年半。